



世宗憲皇帝御製文集

10905

卷十七
之十八




世宗憲皇帝御製文集卷之十七



不碑文

高家堰碑文



黃河為運道民生所關而治河以導淮刷

沙為要高家堰者所以束全淮之水并力

北趨以入河河得清淮則沙不積而流益

世宗憲皇帝御製文集

卷十七

碑文

一

暢故考河道於東南以高堰為淮黃之關

鍵淮自中州挾汝潁渦汴諸水匯注於洪

澤一湖蕩激滌洄浩渺無際而淮揚兩大

郡居其下流惟恃堰堤以為障禦所繫詎

不重哉我

皇考聖祖仁皇帝為億兆蒼生籌萬世永

賴之計屢勤
清蹕指示臣工方畧昭垂神謨卓越全河
形勢經畫周詳而高堰隄工尤厯
睿慮迄今數十年來河臣遵守成規列郡
得安衽席者

皇考聖績神功之所賜也朕紹承鴻緒注

世宗憲皇帝
御製文集

卷七

碑文

二

念河防思高家堰隄工綿遠保護維艱惟
不惜多費帑金全建石工使高厚堅固久
遠可恃斯於運道民生實有裨益朕衷默
定詢度僉同爰特發帑金庀材鳩役專命
大臣董其事經始於雍正八年二月越雍
正十年六月大工告竣仰藉

神庥風濤恬靜薪石雲集工作易施增卑
而高培薄而厚易圯而新孔固孔完其增
廣皆有加於舊凡六千三百四十餘丈延
袤四十餘里所費帑金一百一萬餘兩於
是高堰之工屹然爲淮揚巨障河臣上言
大工之成不可無紀用俞所請摛文勒石

世宗憲皇帝
御製文集

卷七

碑文

三

以示朕宵旰疇咨之至意冀河流濟運永
慶安瀾保障無虞民生樂業以無忝上言
皇考底定平成之績云爾百一萬餘兩

昔我

世祖章皇帝萬幾餘暇留神內典其時法

世祖章皇帝萬幾餘暇留神內典其時法

門龍象受知最深者曰玉琳琇國師嘗欲
令其徒茆溪森主席京師宣揚道法眷顧
之意至厚朕閱玉琳茆溪語錄嘆其高風
卓識超冠叢林因為頒諭表章追封賜祭
以仰承

世祖皇帝優崇正梵之至意既又念直省

世宗憲皇帝
御製文集

卷七 碑文

四

刹寺碁布開堂秉拂者日衆而禪宗愈衰
是以再三誥誡俾各勤求本分直透向上
一關仍擇宗門法侶具正知正見者為之
表率倡導焉京師內城西北隅有護國報
恩千佛寺者創自前明歷百有六十載琳
宮頽敝鐘鼓寂寥爰命重加修整經始於

雍正十一年正月本年九月告成梵宮禪
宇煥儼輝煌堪為大衆熏修叅學之所因
擇琇國師下法嗣名超善者命主方丈錫
寺額曰拈花揭之山門粵自世尊以正法
眼藏涅槃妙心實相無相微妙法門囑付
摩訶迦葉迨香至來茲震旦提唱宗乘為

世宗憲皇帝
御製文集

卷七

碑文

五

不立文字教外之別傳迄今數千年靈山
一會儼然未散鬘陀優鉢徧滿寰區日月
星辰山河大地人民六畜城郭市廛有情
無情即色非色處處是拈花道場法會刻
刻是拈花時節因緣物物是如來手中之
花塵塵剎剎有調御丈夫天師宛爾拈

出但須本分衲僧瞥然薦取便續從上以
來諸祖心燈如或未能則叅須真叅悟須
實悟三藏十二分千七百則公案不出此
二字字中有大海潮音噌吰訇訇震諸人
耳根字中有大摩尼珠晃朗照耀奪諸人
眼識蓋執指忘月便是二鐵圍山見月忘

世宗憲皇帝
御製文集

卷七

碑文

六

指便是曹溪一滴也居此寺者尚其證琇
國師之所證入此大圓覺海步步踏得正
修行處不負世尊當日拈花示衆與
世祖皇帝護持佛法深恩以為直省刹寺

倡朕有厚望焉
出賢良祠碑文

朕惟國家鍾昌隆之運誕降賢臣宇宙成
熙皞之風端資良弼故徽聲聿播旂常銘
勒於生前而元祀攸崇俎豆歆承於身後
用以寵褒已往勸勵方來所由沛殊恩舉
曠典也爾和碩怡賢親王忠孝自天敬勤
成性嘉猷入告啓乃心以沃朕心庶績咸

世宗憲皇帝
御製文集

卷七

碑文

七

熙圖國事即如已事勲高燮理立臣道之
儀型禮極哀榮備人生之祉福爾大學士
公圖海等際王迹肇基之始業贊運籌當
皇朝一統之期績參佐命我
皇考聖祖仁皇帝絲膺歷祚簡公卿以翊
昇平載定寰瀛選將帥而宣威武中朝外

任多令名清節之完人跨海窮邊著破敵
開疆之偉畧朕眷懷舊德詢訪僉謀既祠
宇之告成叙官階而列位於戲念鴻功於
同氣自古希倫追盛烈於羣賢於今不泯
綸章丕錫永垂圖牒之輝珉石深鐫式煥
星雲之色凡百有位其咸觀感於茲

世宗憲皇帝
御製文集

卷七

碑文

八

昭忠寺碑文

朕惟疆場用命因敵愾以効忠行陣爭先
值臨危而殉節追尋壯槩殊切軫懷載建
豐碑用光崇祀爾和碩敬謹親王尼堪等
賦姿雄毅秉性堅貞均際會於從龍各圖
功於汗馬我國家蕩平區寓命上將以專

征綏靖邊陲張王師而撻伐戈鋌所向旋
見廓清貔虎前驅一惟奮勇或氣凌勁寇
縱橫萬衆之中或志銳先登出入重圍之
內王公將帥既赴義以如歸裨校卒徒亦
銜恩而自矢勵致身之素志蹈刃何辭耿
報國之丹誠嬰鋒不顧芳名常著摛文宜
付於史官英爽猶生勤事允符於祀典乃
者構成棟宇羅設几筵考厥官資定其位
次握麾擁節並盱蠻於一堂擐甲荷戈得
從班於兩廡懸之巨榜表厥忠勲錫以綸
章昭茲節烈於戲華楹敞朗長迴日月之
輝雕琰嗟峨永壯風雲之色聿傳久遠式

戴寵榮皇帝氣餘留韻天宜婚難崇奉煥

蓋古普陀山普濟寺碑文

普陀洛伽山為觀音大士示現之地歷徵
靈應自梁貞明中始立佛寺宋元以來代
加修葺我

皇考聖祖仁皇帝巡幸浙西遣官興建殿

世宗憲皇帝
御製文集

卷七

碑文

十

字上為

皇太后祝禧

御題賜額勒文豐碑以紀其事山靈擁護

聖績丕昭朕纘紹鴻基於茲十載念茲山

為古聖道場重以

聖祖仁皇帝宸翰留貽尤宜敬謹崇奉爰

特發帑金重加修飾專官往董其役經始
於雍正九年九月雍正十一年六月告成
朕惟天下名山大川皆扶輿清淑之氣磅
礴而融結普陀秀峙海壖迥立於天風紮
濤浩泚無際之中尤靈秀所萃聚宜其為
仙真之所栖息况大士以慈悲濟物為心
隨聲赴感無所往而不在其示現在一時
實無時而不示現神通感應不可思議即
示現與不示現舉可不論也夫佛法廣大
無邊大海包涵無際億萬千里不足以
測海之廣而一勺未嘗非海也億萬百千
法不足以盡佛之相而一法無適非佛也

今以大海視普陀一拳石耳而菩薩現像
之場善衆皈依之地泛慈航於彼岸結寶
筏於迷津證普度之慈緣顯弘深之願力
珠宮在望香界重新寧不與鷲峰鹿苑均
為淨域之名區也歟用為斯記鐫諸翠珉
以志靈山之勝槩

世宗憲皇帝
御製文集

卷七 碑文

十三

普陀山法雨寺碑文

法雨寺者普陀山大士之別院也

皇考聖祖仁皇帝既修建普濟寺上為

慈聖祝禧復念茲寺為海氛所震蕩發帑

重新俾僧徒得所栖止

賜額立碑增輝瀛嶠歷今已數十載宜加

崇飾朕特遣專官賫內帑庀材鳩工不勞
民力香林梵宇丹雘煥然與普濟寺大工
同時告竣督臣請摛文勒石以紀夫大士
以慈緣普濟度盡衆生為願朕嘗繹法雨
之義謂濟物之普遍者莫如雨當夫慈雲
布濩甘露滂沱高下遠近一時霑足凌霄

世宗憲皇帝
御製文集

卷七

碑文

十三

聳壑之喬柯勾萌甲坼之微卉華葩果蓏
無不濡被潤澤發榮滋長暢茂條達各遂
其性而不自知假使物物而雨之朝朝而
漑之將不勝其勤而終不足以徧給惟本
大慈悲現大神力周遍一切在在具足所
謂天降時雨山川出雲膚寸而合不崇朝

而遍乎天下者濟物之功莫大於是神山
寶刹緇侶雲集自當有被時雨之化證心
印而傳法乳普利生之實用以不負大士
隨緣接引之慈恩而副朕弘振宗風護持
正覺之至意者朕深有望焉

崇恩寺碑文

世宗憲皇帝
御製文集

卷七

碑文

十四

崇恩寺在江南荆溪之磬山故明天隱修
禪師演法道場也禪師與密雲悟同得法
於龍池幻有傳具正知正見以本分事接
人不墮語言窠臼其著述單提直指洞本
通微得從上之正傳於禪宗實有裨益漢
月藏恃負本師恣其狂臆用知解心設穿

鑿法一時毒霧紛迷教外別傳之旨幾晦
密雲悟憫其誑世惑人大聲疾呼一闢再
闢而禪師同心應和復為釋疑普說以斥
其謬當時之人眼目不具莫辨金鎗然雖
一時未能遽掃霧霾而辨異闢邪之卓見
護持正印之苦心洵可稱盲俗之金鑰法

世宗憲皇帝
御製文集

卷十七 碑文

十五

門之大匠也禪師一傳為玉琳琇國師再
傳為茆溪森禪師並蒙

皇祖世祖章皇帝恩遇顧問提唱宗乘不
墜家風向非禪師眼目淨正法乳純真後
代兒孫能若是傑出乎朕間披閱琇森父
子語錄益知其淵源所自有不可誣者寺

在磬山去縣三十餘里舊制湫隘不足容
叅學徒衆爰命擴舊易新增葺殿宇經始
於雍正十一年越明年二月告成有司請
勒碑以紀緣起朕念義興山水靈秀古德
高人時所棲託自龍池薰源天童磬山皆
生其地相繼建大法幢震大法雷以開示

世宗憲皇帝
御製文集

卷七

碑文

十六

正法眼藏甚勤且力斯寺之建豈無紹祖
燈續佛慧擔荷大事無忝前修者勃興其
間乎若徒以增輝梵刹崇飾講堂為山門
標榜不肯真叅實悟則辜負朕恩與魔外
所見無異是昔者乃祖磬山之所深訶也

念之哉去縣三十餘里舊制湫隘不足容

報恩寺碑文

古德有云行解相應謂之為祖又云明道者多行道者少可知心性邊事固貴眼明必須踐履行不應解定非真解明而不行豈是真明昔人十二時中並無雜用心處又謂數十年始得打成一片皆為此也朕

世宗憲皇帝
御製文集

卷七

碑文

十七

於玉琳琇國師蓋不勝仰止之歎焉國師紹法磬山年始二十有四即開堂於吳興之報恩寺提唱宗乘惟以本分事激發學者其自勵四誓與答客問七諦當因課誦示衆語自為為人悉皆如實具足無一虛字舞弄狂機疑悞後學實叅實悟真修真

行我
世祖章皇帝慕其名德延入內廷對
御敷陳無非道要朕嘗擬於黃帝之訪崆峒成湯之問隨光惟
皇祖究竟真宗故能得此大士而國師實能無忝

世宗憲皇帝御製文集

卷七

碑文

六

恩遇始終無一言一行世諦流布與本分間隔洵不謬為佛祖兒孫人天眼目者矣朕既選其語錄刊布叢林復念報恩法席宜加修整爰命有司庀材增葺以昭我皇祖尊崇有道相得益彰之盛軌抑茲寺也磬山修先嘗演法而玉琳琇繼之所謂

白雲千頃老屋數間一榻高眠令土木瓦石為大衆轉大法輪者磬山之家風也合諸檀越建大禪堂十方聚會應時及節為大衆說法者玉琳之行履也今磬山玉琳皆已入大般若涅槃而白雲如故木石依然法堂之鐘鼓重開十方之善信不少大

世宗憲皇帝御製文集

卷七

碑文

十九

衆入此門來還見種種轉大法輪相否還聞時節說法無量音聲否如果親見親聞則報恩法會儼然未散只在本人當下領取以毋負國師常住切實為人處是所望於努力修持者
白雲十方普覺寺碑文
蘇高翔令土木瓦

西山壽安有唐時古刹以翠堵波為門泉石清幽層巖夾峙乃入山第一勝境寺在唐名兜率後曰昭孝曰洪慶曰永安實一寺也中有旃檀香佛像二其一相傳唐貞觀中造其一則後人範銅為之皆作偃卧相橫安寶牀俗稱卧佛見於紀載詩歌者屢矣歲久頽圯朕弟和碩怡賢親王以無相悉檀庀工修建嗣王弘皎弘曉繼之捨貲葺治於是琳宮梵宇丹雘煥然遂為西山蘭若之冠工既竣命無闕永覺禪師超盛徃主法席夫象教之設所以顯示真宗佛身充滿於法界普現一切羣生前隨緣

赴感靡不周而恒處此菩提座是以造像
多為五色蓮臺結跏趺座而茲獨示卧相
者其義何居善見毘婆沙律釋佛遊王舍
會城謂遊有四一者行二者住三者坐四
者卧以是四法名之曰遊然則豎窮三際
橫亘十方惟一真心泯絕對待應緣現迹

世宗憲皇帝
御製文集

卷七

碑文

三

任物成名凡此四威儀邊在在三摩鉢地
如玉鏡之交照似寶珠之五色非同非異
非即非離居斯常寂光中便是毘盧頂上
今者石泉流於舍下木葉飄於巖間非王
舍衛城行法遊乎塔鈴少選而聲銷幡角
無風而動息非王舍衛城住法遊乎行者

住者如是坐者卧者同然矣夫虚空無相
不拒諸相發揮法性無身匪礙諸身顯見
果能不起有情無情之妄想不生心内心
外之邪思將一法纔通萬像悉歸心地千
途並會光明遍滿恒沙此七寶牀上古佛
現前丈六金身蓋覆大地占斷三際不徃

世宗憲皇帝
御製文集

卷七

碑文

三

不來豈非一佛卧遊十方普覺歟因名之
曰十方普覺寺而勒是語於碑並記朕弟
和碩怡賢親王修寺緣起以示來者
果論紫陽道院碑文
性命無二途仙佛無二道求長生而不知
無生執有身而不知無相法身如以箭射

空力盡還墮非無上至真之妙道也道祖
云外其身而身存豈非世尊無我而有我
之旨乎又云觀空亦空空無所空所空既
無無無亦無無無既無湛然常寂夫此湛
然常寂豈非常樂我淨之妙諦乎彼夫滯
殼迷封癡狂外走者烏能測知萬一哉大

世宗憲皇帝
御製文集

卷七

碑文

三

慈圓通禪仙紫陽真人張平叔著悟真篇
發明金丹之要自序以為是乃修生之術
黃老順其所欲漸次導之至於無為妙覺
達摩六祖最上一乘之旨則至妙至微卒
難了徹故編為外集形諸歌頌俟根性猛
利之士因言自悟於戲若真人者可謂佛

仙一貫者矣紫陽生於台州城中有紫陽樓乃其故居去郡城六十里有百步溪傳為紫陽仙化處又嘗焚修於桐柏崇道觀歲久香火岑寂特命發帑遣官載加整葺夫以真人靈源朗徹決定無生三界十方隨心轉用何有於蟬蛻之鄉更何有於塵

世宗憲皇帝御製文集

卷十七

碑文

十四

棲之迹特以朕景仰高蹤表其宅里俾學道之士人人知此向上一路千途同軌非可強分區別自生障礙庶幾真人拯迷覺世之薪傳不泯於後也自紫陽樓迄百步溪崇道觀三處各為殿堂門廡若干楹併置田若干畝以資香火有餘則以贍其後

裔雍正十二年二月經理告竣爰誌其緣
起而刻諸石爰因際會李博公請命祭
慈聖天竺寺碑文林詠意至皇山勝地
浙中多名山古寺天竺乃昭著之大刹也
湖山明秀勝地鍾靈觀音大士歷徵顯應
竒木妙相舍利瑞光普現弘慈久而彌彰

世宗憲皇帝
御製文集

卷七

碑文

五

有感必通如響斯捷

皇考聖祖仁皇帝巡幸浙西重新香界

御製碑文照耀穹宇為

慈聖祝釐為蒼生祈福意至厚也祝融不
戒宜事鼎新爰因總督李衛之請命發帑
金載加修葺雍正十二年十一月工竣璇

題朱網丹艱煥如遠近人民瞻仰歡悅用
勒文翠珉以紀其事夫佛法廣大無邊不
可思議而大士慈悲為念隨聲赴感普濟
羣生是以善信皈依有求輒應然天人感
召之理無他曰誠敬而已矣當其誠心懇
至雖以愚夫愚婦之微賤而冥漠之際呼

世宗憲皇帝
御製文集

卷七

碑文

二十六

吸相通如其不然即有靈明響應悲憫救
護之聖心亦不能強迷頑者而施之惠澤
故曰神無常享享於克誠又曰至誠而不
動者未之有也不誠未有能動者也夫斯
人生享太平之福日用飲食一絲一粟在
在皆天地覆載之恩即在在皆明神庇祐

世宗憲皇帝御製文集卷之十八
祭文
歷代帝王廟祭文
於赫上帝降衷下民惟后綏猷繼天立極
大統肇開於三古丕基遞嬗於累朝崇祀
帝王廟者凡二十有一君厥惟舊矣我

世宗憲皇帝
御製文集

卷六

祭文

一

皇考大行皇帝一中允執兩大兼叅彙治
功道量之全極武烈文謨之盛俗盡躋于
上理情彌軫乎前光定諸史之公評抒千
秋之卓識謂興王創業既多戡定鴻勳即
令辟守文不乏綏和美化歷年多寡不必
同符致治淺深原難一轍履至尊而制六

合聯寰宇以為一家萬方共戴尊親億兆
胥依父母即當奕世維新之治追念勝朝
式廓之疆曾經食土踐毛尚有先疇舊德
豈得以拘儒苛論妄絜短長更難以稗乘
𡇗聞恣憑褒貶

特頒明諭遍採羣言豆登溥薦於士宣

世宗憲皇帝
御製文集

卷六 祭文

二

百王禳桷永光夫萬禩亦有熊羆之士宣
力旂常不無鼎鼐之臣勞心輔弼股肱一
體生前獲荷天休廊廡列筵身後仍陪廟
享於戲彞章隆重仰惟志事以虔遵至治
馨香尚冀明堂奕世禋祿之榮垂念報陳
神靈之默佑式孚冥漠庶克居歆

追封孔子五代告祭文
道尊往聖宜錫類以推恩牒溯前徽乃緣
情而制禮絲綸聿賁俎豆維新仰惟
先師孔子撰合乾坤名高日月纂修刪定
煥六籍之文明祖述憲章樹百王之儀範
朕夙承

世宗憲皇帝
御製文集

卷六

祭文

三

庭訓嚮往實深誕紹丕基欽崇彌切惟德
全而業盛知積厚而流光爰命廷臣式稽
譜系詒謀式穀洵篤慶於一門毓秀鍾靈
宜上追於五代並躋祀典特晉王封體
皇考敬師之心弘以卦恩默膺前籙
先聖顯親之孝於戲金聲玉振集今古之

大成木本水源享烝嘗之美報靈其不昧
尚克來歆
道宗前聖尊萬世之師資緒啟後賢備千
秋之祀典虔將蘋藻聿告几筵仰惟五祖
先師孔子德配乾坤心傳堯舜文垂六籍

世宗憲皇帝
御製文集

卷六

祭文

四

揭大義以昭明教設四科育英才而蔚盛
雖微言漸遠難窺達天盡性之功而正脉
相承不乏入室升堂之彥朕紹登寶位親
詣辟雍爰因釋奠之時更切崇儒之念特
頒諭旨博訪廷臣考自有周逮於昭代凡
在傳經之哲咸躋從祀之班茲卜良辰以

林放等二十六人新造牌位安奉兩廡以
張載之父張迪新造牌位安奉崇聖祠於
戲闡揚經術長歆俎豆之馨廣厲學宮益
篤羹墻之慕伏惟
聖鑒格享苾芬

關里告祭文

世宗憲皇帝
御製文集

卷六

祭文

五

仰惟

先師孔子道高千古業著六經集聖學之
大成樹人倫之標準朕紹承丕緒仰止
師模溯譜系以追封入成均而釋奠不謂
杏壇之地忽生回祿之灾雖
像位幸存而榱楹俱燼具聞奏報實切兢

惶豈成毀有時竟莫爭於定數恐尊崇未
至祇難釋於中懷即遣所司協同大吏飭
工材而備豫占時日以經營將式煥夫宮
牆期重新於丹雘辟雍伊邇已親詣以昭
虔闕里云遙用專官而展祭慰安靈爽瞻
望格歆謹告

世宗憲皇帝
御製文集

卷六 祭文

六

太學文廟祭文

金聲玉振集神聖之大成霞蔚雲蒸表天
人之上瑞肅將蘋藻奉告几筵仰惟
先師孔子德邁皇王學諠河洛綜五百年
之傳緒聿峻宮墻立億萬代之師模永光
俎豆自廟堂之重建準宮殿之鴻規盡誠

敬以經營務尊崇其制度乃者將升畫棟
選卜良辰忽覩卿雲光輝晴晝芝英爛熳
映泗水以霏烟車蓋輪囷倚厓岡而結影
當前期之二日有開必先瞻垂象者三時
惟形則著絢於東國顯徵丹雘之祥耀彼
南方弘闡文明之運

世宗憲皇帝
御製文集

卷六

祭文

七

上帝之凝庥滋至

先師之降鑒孔昭實感慶於衷懷用吉蠲
而躬詣於戲奠墻如見彌殷重道之忱霄
漢為章佑啓作人之化因尚文而謠澤
神其如在歆享苾芬謹告靚畫並與獻歎
稽以先師孔子誕辰告祭文卷六終畫棘

金聲玉振開宇宙之文明月角珠庭垂聖
神之儀範肅敷筵几聿薦藻蘋仰惟
先師孔子學綜圖疇統承堯舜道超萬類
喻海河泰岳之崇深德服羣賢比江漢秋
陽之皎潔溫良恭讓之度邦國共欽齊莊
中正之容簡編備載新營廟貌虔製俎樽

世宗憲皇帝
御製文集

卷六 祭文

八

竭誠敬之心思極尊嚴之規制乃者歲逢
庚戌序屬仲秋上溯周朝近當今日推之
長歷即尼山降誕之時卜以良辰是闕里
增輝之會用稽徽典適協貞符於戲棟宇
恢闓已慶雲霞之糾縵堂楹端儼重瞻日
月之光華

神鑒孔昭苾芬歆享
其煇聖廟告成祭文
達天盡性樹萬世之師模重道尊經煥于
秋之廟貌肅將嘉祀用告成功仰惟
先師孔子得聖之時由天所縱纂修刪定
啟宇宙之文明祖述憲章綜帝王之統緒

世宗憲皇帝
御製文集

卷六 祭文

九

升堂入室洪施樂育之恩學禮誦詩永作
義方之槩比高懸之日月亘古莫踰喻出
類之鳳麟生民未有朕奉遺編而欽企儀
典務極其推崇循舊址而鼎新經營必盡
其誠敬頒於國帑董以大臣每繪式以先
呈乃按圖而指授榎楠栝柏求大木於名

山簋簋樽壘選良工於內府晶瑩黃瓦準
制度于宸居璀璨玉圭儼威容於
聖座懸標題之巨榜洒翰親書建屹峙之
豐碑摛文恭紀工程累歲時深嚴恪之心
棟宇宏規益備觀瞻之美華榱雕柱增輝
講道之壇璆磬金鏞重振大成之殿數仞

世宗憲皇帝
御製文集

卷六

祭文

十

之宮墻逾峻兩楹之俎豆虔陳特遣皇五
子弘晝等親詣几筵敬行祭告於戲卿雲
糾縵已開丹牖之祥古檜貞堅佇望青蒼
之色惟祈鑒格式享苾馨
臨奠日月合璧五星聯珠告祭
景陵文

聖德流光貽嘉祥於奕世
天文垂象煥精采於重霄
紀史籍以揚芬
陳几筵而告慶欽惟
皇考聖祖仁皇帝道邁義軒功叅覆載秉
至明以照物日月齊輝凝庶績以宜民星
辰就叙心通歷數稽密度於渾儀化協陰

世宗憲皇帝
御製文集

卷七 祭文

十一

陽驗休徵於洪範山陬海澨無非樂利之
區炎嶠朔陲盡是協和之氣延
穹蒼之眷佑覩辰次之昭回乃者候屆仲
春日當初吉二曜同躔而璧合五星聚舍
以珠聯營室應清廟之占媿訾號乾宮之
位自歷元而後曾聞顓頊之時由世紀所

書直比陶唐之代歷四千餘年之久遠再
見星占追六十一載之皞熙用彰
天錫仰惟
先烈實為鍾慶之餘逮及眇躬幸值迓庥
之始當累傳之寶祚景命彌隆合萬國之
歡心鴻名益耀於戲貞符上瑞式勤昭事

世宗憲皇帝
御製文集

卷六

祭文

十三

之忱

峻德豐功長切祇承之念伏祈合萬國之
慈鑒俯賜格歆謹告
景陵懸匾告祭文
陵園葱鬱森警衛於百神
殿宇深嚴肅精禋於億禩因標題而展敬

告筵几以申忱欽惟
皇考聖祖仁皇帝學貫圖疇道高軒頊日
新盛德恒惕念於萬幾天縱多能復游情
於六藝趨庭而仰觀
聖蹟時荷

親傳伸紙而恭倣

世宗憲皇帝
御製文集

卷六

祭文

十三

宸章特承

睿獎乃者因山啓隧已占靈淑之徵巨榜
豐碑宜極尊崇之制濡毫灑墨庶誠敬之
潛通澄慮凝神儼萬幾天縱多能復游情
音容之如對虔題
徽號莫揚疇昔之耿光聿頌標題而展敬

隆恩莫寫平生之孺慕手追心企長懷
寶翰之煙雲優見愜聞遙感橋山之霜露
謹告

景陵文
黃河澄清告祭

景陵文

瑞應光昭荷垂庥之慶澤嘉徵迭告顯默

世宗憲皇帝
御製文集

卷十

祭文

十四

佑之鴻慈望

園寢以抒誠薦馨香而伸悃欽惟

皇考聖祖仁皇帝道濟羣生恩濡萬國豐
功巍煥慶海宇之清寧至治恬熙溥寰區
之樂利播六十一載之深仁厚澤德化旁
流緜億千萬世之景祚洪禧太和翔洽緬

神靈之陟降尤

八

福庇之深長嘉貺頻仍珍符屢見乃者黃

河效順碧浪澄清由陝州而至桃源地連

五省自嘉平而逾獻歲時閱三旬臣民共

慶其難逢史籍曾稱其罕觀俯慚冲眇實

切悚惶深惟昭事之小心敢懈祗承之素

世宗憲皇帝
御製文集

卷六

祭文

十五

志願此數年之治理詎能篤迓純庥或因

一念之恪誠幸得仰邀

慈眷籲

昊天而錫福致大地之呈祥鑒已徃之勤

虔勵將來之兢業寵綏有自感激難窮祇

薦牲牢肅陳筵几於戲溯

德大和翔洽

神謨之底定
方略昭垂揚
駿烈於懷柔
苞苴炳耀伏
惟聖鑒俯賜
格歆

惟
北鎮廟祭文

惟

世宗憲皇帝
御製文集

卷六

祭文

十六

神名著禮經位均方嶽峙興京之重地擁
衛畿東炳福國之明靈庇安遼左朕昔奉

謁

陵之

命曾申詣廟之虔瞻望層楹遂捐資而營
葺紹承寶位復發帑以增修煥丹雘其如

新鐫青珉而紀事溯工程之肇啟閱歲序
之屢更十雨五風協休徵於泰運萬箱億
庾占瑞應於豐年神貺昭彰朕心感慶遣
專官以將事陳牲醴而薦馨所冀巒岫鬱
葱奠鴻基之鞏固郊原膺厚贄和氣以蕃
昌惟爾

世宗憲皇帝
御製文集

卷六

祭文

七

明神尚其歆鑒

追封關帝三代祭文

秉兩間之正氣毓聖有基冠五等之崇班
恩推及遠絲綸誕賁譜牒增輝惟公隴右
家聲晉中族望慶餘積善垂矩矱於高門
祥裕詒謀溯淵源於奕葉啟後昆之忠義

大節炳於日星景先世之風規令範昭於
弓冶宜加錫命用示褒揚爰詔禮臣特隆
封典建上公於三世崇報祀乎千秋於戲
緬厚德以流光克昌厥後凜英風而佐化
有開必先表曠代之芳型肇明禋之盛舉
尚其歆格鑒此殊榮

世宗憲皇帝
御製文集

卷六

祭文

六

尚其關帝告祭文

敦大倫而表範忠冠古今追先世之詒謀
禮崇祖考式頒茂典用展精禋緬惟
關帝素志忠誠天姿勇毅九霄皎日長懸
翼戴之心萬古英風不泯勁剛之氣學宗
洙泗生平誦習春秋光動河山義烈昭垂

宇宙仰靈威之赫濯無間於走卒兒童薦
俎豆之馨香且遍於遐陬僻壤高名完節
既長耀於史編福國庇人久特隆於廟祀
念神奇之所自信積累之有基爰命廷臣
聿稽門緒千秋華胄美三葉之芳規五等
崇班錫上公之顯號於戲義堅事主躬正

世宗憲皇帝
御製文集

卷六

祭文

九

直以炳靈孝重顯親溯本源而褒贈
神其歆格鑒此告虔
念林清和宣惠風伯之神祭文
惟是默然
神象著箕星德符巽卦動而致雨聿彰地
上之功靜不揚波爰表澤中之瑞考典章

於祠部方展精禋覽奏䟽於河臣宜崇封
號眷惟淮甸瞻廟宇之舊存念此洪湖賴
隄防而永固氣調清籟經時協應律之占
響息商飈歷載奏安瀾之慶喜

天和之潛感荷

神貺之昭靈是用特封為

世宗憲皇帝
御製文集

卷六

祭文

三

清和宣惠風伯之神并命河臣虔陳牲醴
所冀導揚元化順四序以節宣佑保蒸民
護百川而奠定尚其鑒格歆享苾芬

聖訓而永固廉臨

16905

聖眷勤勤匪懈
聖訓而永固廉臨
聖訓而永固廉臨
聖訓而永固廉臨

